

JKP "Vodovod" d.o.o. Cazin

Broj: 5-1-1-4-03/22

Cazin, 29.08.2022. godine

Na osnovu člana 70. Zakona o javnim nabavkama Bosne i Hercegovine (Službeni glasnik BiH, broj 39/14), člana 21. Pravilnika o javnim nabavkama JKP Vodovod doo Cazin, te Preporuke Komisije za javne nabavke, rješavajući o izboru najpovoljnijeg ponuđača za nabavku robe, direktor JKP "Vodovod" d.o.o. Cazin, donosi

## **ODLUKU** **o izboru najpovoljnijeg ponuđača**

### **Član 1.**

Prihvata se Preporuka Komisije za javne nabavke, za sklapanje okvirnog sporazuma sa **listom ponuđača**, za nabavku robe: **Vodovodni materijal 1**, prema rezultatima e-aukcije, kako slijedi:

R/br	Naziv ponuđača	ID broj	Konačna cijena u KM, bez PDVa	Umanjenje cijene	Rang
1.	<b>TOPLOTA doo Zenica</b>	4218087680002	<b>1800,00</b>	<b>17,25%</b>	<b>1</b>
2.	<b>Hidro-Termo Centar doo Sarajevo</b>	4200563800007	<b>1.817,00</b>	<b>37,07%</b>	<b>2</b>
3.	<b>VODOSKOK doo Tomislavgrad</b>	4281210160004	<b>3.680,43</b>	<b>0 %</b>	<b>3</b>

### **Član 2.**

Okvirni sporazum se zaključuje na procijenjenu vrijednost postupka u iznosu od 50.000,00 KM (pedesethiljada i 00/100 KM), bez PDV-a, na period od jedne godine od dana potpisivanja okvirnog sporazuma.

### **Član 3.**

Ponuda ponuđača **Ases Team doo Velika Kladuša**, br. 02-11-25-91/22 od 04.08.2022. godine odbija se kao neprihvatljiva, u skladu sa članom 68. stav 4. tačka i) Zakona o javnim nabavkama, jer ne ispunjava zahtjeve iz tenderske dokumentacije.

### **Član 4.**

Izabrani ponuđači su dužni da, u roku od 7 (sedam) dana od dana dostavljanja ove Odluke, dostave originale ili ovjerene kopije dokumenata iz člana 45. Zakona o javnim nabavkama, u protivnom se ponuda odbacuje u skladu sa članom 68. stav 1. ZJN.

Ova obaveza se ne odnosi na ponuđače koji su ovjerene/originalne dokumente iz člana 45. ZJN dostavili uz ponudu.

### **Član 5.**

Za praćenje realizacije ovog ugovora zadužuje se Šef službe za održavanje vodovoda i kanalizacije i tehničke usluge.

### **Član 6.**

Ova Odluka objavit će se na web-stranici ugovornog organa [www.vodovodcazin.com](http://www.vodovodcazin.com), uz istovremeno upućivanje ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

## Obrazloženje

Postupak javne nabavke pokrenut je Odlukom o pokretanju postupka javne nabavke broj: 5-1-1-4-01/22 od 01.07.2022. godine. Riječ je o nabavci robe putem otvorenog postupka. Procijenjena vrijednost nabavke bez PDVa je 50.000,00 KM, bez PDVa.

Obavještenje o nabavci broj: 1169-1-1-42-3-41/22 objavljeno je na Portalu javne nabavke dana 14.07.2022. godine i u Službenom glasniku BiH, broj:48/22.

TD je preuzelo 11 ponuđača, prema Izvještaju o preuzimanju TD.

Za dodjelu ugovora u ovom postupku prijavila su se četiri ponuđača, a dana 04.08.2022. godine provedeno je javno otvaranje ponuda.

Komisija za nabavku je izvršila otvaranje, pregled i ocjenu prispjelih ponuda, te utvrdila sljedeće:

- a. da su se za dodjelu ugovora prijavila četiri ponuđača,
- b. da su blagovremeno primljena četiri ponude
- c. da nije bilo neblagovremeno primljenih ponuda,
- d. da su tri ispravne i prihvatljive,
- e. da je jedna ponuda neprihvatljiva.

Ponuda ponuđača Ases Team doo je odbijena kao neprihvatljiva jer je Komisija uvidom u Obrazac za cijenu ponude -Anex 3, utvrdila da je ponuđač kod tačke X- PVC ventil, ekvivalent ponuđača UniDelta, dodao još jednu stavku, poslije ¾" dodao je stavku 1", čime je povećao broj traženih stavki sa 5 na 6 i na taj način izvršio nedozvoljenu izmjenu tenderske dokumentacije.

Članom 57. stav (1) ZJN propisano je da se u postupku javne nabavke kandidat/ponuđač mora pridržava zahtjeva i uslova iz tenderske dokumentacije, a članom 68. stav (4) tačka i) ZJN da ugovorni organ obavezno odbacuje ponudu koja nije potpuna i ne ispunjava zahtjeve iz tenderske dokumentacije.

Također, u tački 6.1.1. Tenderske dokumentacije je nedvosmisleno naglašeno da ponuđač ne smije mijenjati ili nadopunjavati tekst TD, a ponude koje nisu u skladu sa TD bit će odbačene kao neprihvatljive.

Slijedom navedenog, a na temelju citiranih zakonskih odredbi, odlučeno je kao u dispozitivu ove Odluke.

Predsjednik Komisije je izvršio računsku provjeru ponude, te utvrdio da u ponudi ponuđača Vodoskop doo Tomislavgrad postoji računska greška. Naime, u Obrascu za cijenu ponude - Anex 3 (spojnice od mesinga stavka 6) pogrešno je ponuđač upisao cijenu ponude. Tačna ukupna cijena ponude iznosi 3.678,43 KM.

Komisija je ispravila računsku grešku, jer se ne radi o jediničnim cijenama, te saglasno članu 17. stav 5. Uputstva za pripremu modela tenderske dokumentacije i ponuda, zatražila od ponuđača da pismenim putem prihvati ispravku računске greške.

Dana 23.08.2022. godine ponuđač je pismenim aktom prihvatio ispravku računске greške, čime su ispunjeni uslovi da se njegova ponuda označi prihvatljivom i nastavi sa postupkom.

Ovaj postupak nabavke previđao je provođenje e-aukcije, kako su pristigle tri prihvatljive ponude e-aukcija je zakazana za 26.08.2022. godine.

Na osnovu Izvještaja o toku i završetku e-aukcije, Komisija je utvrdila Rang listu najuspješnijih ponuđača, počevši od najpovoljnije kako slijedi:

R/hr	Naziv ponuđača	ID broj	Konačna cijena u KM, bez PDVa	Umanjenje cijene	Rang
1.	Toplota doo Zenica	4218087680002	1800,00	17,25%	1
2.	Hidro-Termo Centar doo Sarajevo	4200563800007	1.817,00	37,07%	2
3.	Vodoskok doo Tomislavgrad	4281210160004	3.680,43	0 %	3

Kako je predviđeno tenderskom dokumentacijom i obavještenjem o nabavci, okvirni sporazum će se zaključiti sa svim ponuđačima koji su dostavili prihvatljive ponude, po redoslijedu koji je ostvaren primjenom kriterija za dodjelu okvirnog sporazuma, na cijene koje su ponuđači dali u svojim ponudama (lista ponuđača), u skladu sa članom 32. stav 5. tačka a) Zakona o javnim nabavkama.

U postupku ocjene provedenog postupka, Uprava preduzeća nije našla razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Zbog naprijed navedenog, odlučeno je kao u dispozitivu ove Odluke.

#### **Pouka o pravnom lijeku:**

Protiv ove Odluke može se izjaviti žalba, najkasnije u roku od 10 (deset) dana od prijema ove Odluke. Žalba se izjavljuje Uredu za razmatranje žalbi, putem ugovornog organa, u pismenoj formi, u dovoljnom broju primjeraka, a koji ne može biti manji od tri.

Žalilac koji je propustio izjaviti žalbu, prema odredbama člana 101. Zakona o javnim nabavkama, gubi pravo tražiti ispitivanje zakonitosti po istom osnovu, u kasnijoj fazi postupka

#### **Prilozi:**

- Zapisnik Komisije sa priložima od 16.08.2022. godine
- Zapisnik Komisije sa priložima od 23.08.2022. godine
- Zapisnik Komisije sa priložima od 29.08.2022. godine

#### **Dostaviti:**

- Ases Team doo
- Toplota doo
- Vodoskok doo
- Hidro-Termo Centar doo
- a/a

Za Ugovorni organ  
**JKP Vodovod doo Cazin**  
"VODOVOD"  
d.o.o. Ibrahīm Mujakić, direktor  
CAZIN